

Na osnovu čl. 5. stav (1) tačka h) i 19. stav (1) tačka c) Zakona o Agenciji za bankarstvo Federacije Bosne i Hercegovine („Službene novine Federacije BiH“, broj: 75/17), člana 12. stav (1) tačka d) Statuta Agencije za bankarstvo Federacije Bosne i Hercegovine ("Službene novine Federacije BiH", broj: 03/18) i čl. 32. i 61. Zakona o lizingu ("Službene novine Federacije BiH", br. 85/08, 39/09, 65/13 i 104/16), Upravni odbor Agencije za bankarstvo Federacije Bosne i Hercegovine, na sjednici održanoj 28.05.2020. godine, donosi

**ODLUKU**  
**O IZMJENAMA I DOPUNAMA ODLUKE O MINIMALNIM STANDARDIMA ZA**  
**DOKUMENTOVANJE FINANSIRANJA PUTEM LIZING**  
**UGOVORA I PROCJENU KREDITNE SPOSOBNOSTI**

**Član 1.**

U Odluci o minimalnim standardima za dokumentovanje finansiranja putem lizing ugovora i procjenu kreditne sposobnosti ("Službene novine Federacije BiH", broj: 46/14), u članu 4. se dodaju novi st. (3), (4) i (5), koji glase:

„(3) Ovjeru dokumenata iz stava (1) tačke b) alineja 1), 2) i 3) ovog člana pored nadležnih institucija (sud, notar, općina i dr.) mogu vršiti i ovlašteni zaposlenici lizing društva, na način kako je to propisano politikama i procedurama lizing društva, uz provođenje istog postupka koji je propisan za ovjeru dokumenata od strane nadležnih institucija i osiguranje adekvatnog sistema interne kontrole.

(4) Lizing društvo može uspostaviti i elektronsku arhivu i dosje korisnika lizinga voditi u elektronskom obliku, koji mora sadržavati svu dokumentaciju navedenu u stavu (1) ovog člana, u skladu sa propisima koji regulišu predmetnu materiju.

(5) Način kreiranja, ažuriranja, zaštite i svih drugih aktivnosti po osnovu uspostavljanja elektronskog dosjea korisnika lizinga iz stava (4) ovog člana, lizing društvo je u obavezi detaljno propisati internim aktom, osiguravajući pri tome punu usklađenost sa zakonskim propisima, sa ciljem minimiziranja potencijalnog pravnog rizika, odnosno rizika usklađenosti, kao i uspostavu adekvatnog sistema interne kontrole.“.

**Član 2.**

(1) U članu 5. stav (2), iza riječi „sposobnosti korisnika lizinga“ se umjesto zareza stavlja tačka, a riječi "ne može da optereti redovna mjesečna neto primanja u većem iznosu od onog koji je utvrđen Zakonu o izvršnom postupku i Zakonu o radu.“ se brišu.

(2) Iza stava (2) se dodaje novi stav (3) koji glasi:

"(3) Prije sklapanja ugovora koji je osnova za nastanak izloženosti kreditnom riziku, lizing društvo procjenjuje kreditnu sposobnost korisnika lizinga, kvalitet, utrživost, raspoloživost, vrijednost i mogućnost naknadne prodaje predmeta lizinga, te kvalitet, vrijednost i utrživost instrumenata osiguranja potraživanja."

(3) U stavu (6) riječi „iz st. (1), (3), (4) i (5)“, zamjenjuju se riječima „iz st. (1), (3), (4), (5) i (6).“.

(4) Dosadašnji st. (3), (4), (5), (6), (7) i (8) postaju st. (4) (5), (6), (7), (8) i (9).

**Član 3.**

(1) U članu 6. iza stava (2) se dodaje novi stav (3) koji glasi:

"(3) Prije sklapanja ugovora koji je osnova za nastanak izloženosti kreditnom riziku, lizing društvo procjenjuje kreditnu sposobnost korisnika lizinga, kvalitet, utrživost, raspoloživost, vrijednost i mogućnost naknadne prodaje predmeta lizinga, te kvalitet, vrijednost i utrživost instrumenata osiguranja potraživanja."

(2) U stavu (5) riječi „iz st. (1), (3) i (4)“, zamjenjuju se riječima „iz st. (1), (3), (4) i (5).“.

(3) Dosadašnji st. (3), (4) i (5) postaju st. (4), (5) i (6).

#### **Član 4.**

Ova odluka stupa na snagu osmog dana od dana objavljivanja u "Službenim novinama Federacije BiH".

**Broj: U.O.-45-08/20**  
**Sarajevo, 28.05.2020. godine**

**PREDSJEDNICA**  
**UPRAVNOG ODBORA**

**mr.sc. Ljerka Marić, dipl.ecc., s.r.**